

म्हारा हँसला रे,  
दिया गुरुजी हेला ।

दोहा सन्त मिलन को चालिए,  
तज माया अभिमान,  
ज्यूँ ज्यूँ पैर धरे धरणी पे,  
ज्यूँ ज्यूँ यज्ञ समान ।  
सन्त मिल्या इतना टळे,  
काळ जाळ जम चोट,  
शीश निवाया गिर पड़े,  
लख पापन की पोट ।  
सतगुरु के दरबार में,  
मन जाहिए बारम्बार,  
भूली वस्तु बतावसी,  
मेरे सतगुरू हैं दातार ।

म्हारा हँसला रे,  
दिया गुरुजी हेला,  
जिनका भाग बड़ा पुण्य जागे,  
सत्संग आन करेला ॥

सत्संग जहाज भव सागर ऊपर,  
साँचा आन चढेला,  
करोड़ जुगा रा पाप जीव रा,  
पल छिन मा ही जड़ेला,

म्हारा हंसला रे,  
दिया गुरुजी हेला ॥

सत्संग में सत मार्ग लाधे,  
और कोई नहीं गेला ।  
सत्संग बिना भरम नी भागे,  
उळजा जीव मरेला,  
म्हारा हंसला रे,  
दिया गुरुजी हेला ॥

कागा वर्ण मिटे सत्संग में,  
हँसा वर्ण मिलेला,  
ऊंच नीच मिल होवे पवित्र,  
समदो नीर मिलेला,  
म्हारा हंसला रे,  
दिया गुरुजी हेला ॥

हो रे चेतन हरि रस पियो,  
हीरा सू उदर भरेला,  
तट त्रिवेणी ताली लागी,  
मोती चूण चुगेला,  
म्हारा हंसला रे,  
दिया गुरुजी हेला ॥

सत्संग सार और सब झूठा,  
ऋषि मुनि सब के हेला,  
लादुनाथ सतगत के शरणे,

नानक नाथ का चेला,  
म्हारा हंसला रे,  
दिया गुरुजी हेला ॥

म्हारा हंसला रे,  
दिया गुरुजी हेला,  
जिनका भाग बड़ा पुण्य जागे,  
सत्संग आन करेला ॥

गायक महेंद्र जी राणासर ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source: <https://www.bharattemples.com/mhara-hansala-re-diya-guruji-hela/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>